

Estatuko Ingurugiroko Idazkaritzari
Erreferentzia: "ARMENTIA-2 zundaketa"

Sinatzaileak erakunde horren aurrean agertu eta zuzenbidean bidezkoa den moduan, honako hau **ADIERAZTEN DUTE:**

2018ko Ekainaren 15eko BOEn, **Sociedad de hidrocarburos de Euskadi, S.A. (SHESA) enpresa publikoak eskatuta, "ARMENTIA-2 zundaketa"-ren Ingurumen-Inpaktuaren Ebaluazioa eta Ezarpen txostena argitaratu zen.** Haren bidez, ikerketa jendaurrean jarri eta informazio publikorako zein alegazioak aurkezteko 30 egun balioduneko epea zabaldu zen. Hori dela eta, alegazio hauek egin nahi ditugu:

ALEGAZIOAK:

1. **Armentia-2 putzuko zulaketa, ia Araba osoko lur-azpitik gas ez konbentzionala erauzteak helburu duen plan handiago baten barruan kokatzen da.** Izan ere, ugariak dira enpresa sustatzaileak (SHESA) zein Eusko Jaurlaritzak zentzu honetan egindako deklarazio publikoak. Gas hobi honen ustiatetak, bere ezaugarriengatik, lurraldean zehar **milaka putzuen zulaketak** ekarriko lituzke, gasa ez baitago poltsa bakar batean, baizik eta sakabanatuta.

Horregaitik, **proiektu hau gauzatzeak lurraldean, biztanlerian edo ingurumenean eragin ditzakeen efektuak aztertzen dituen Ingurumen-inpaktu Azterketa Estrategikoa egin beharko litzateke,** Ingurumen-Ebaluazioari buruzko abenduaren 9ko 21/2013 legea aintzat hartuta.

2. Vitoria-Gasteizko Hiri Antolamenduko Plan Orokorraren arabera, Armentia-2 putzua zulatu nahi den lursaila Baso balioko Lurzoru Urbanizaezinaren kalifikazioa dauka eta **erauzketa jardueri atxikitutako ustiateta espresuki debekatuta dago.**

3. **Armentia-2 putzuak Subijanako akuiferoa zeharkatuko luke.** Hau, Euskal Autonomi Erkidegoko lurrazpiko uren erreserba nagusia da eta kalitate altuko uren hornikuntzarako baliabide estrategikoa da. Izan ere, hainbat herri hornitzen ditu eta ezusteko lehordeen aurrean hiriburua hornitzeko prest ere egongo litzateke.

Akuiferoaren ingurumenarekiko garrantzia eta balio estrategikoa kalkula ezina da eta sustatzaileak ez du lohien bitarteko kutsadura arrisku eza bermatzen. **Zulaketa aurrera eramateko, bentonitak, gatzak, barita, karbonato kaltzikoa, polimeroak, lohiz betetzaileak, detergenteak, biozidak... bezalako hainbat produktu kimiko dituzten milioika litro lohi erabiliko liratezke. Zulaketa lohi horien atal bat zuzenean akuiferora isuriko litzateke eta beste zati bat lur azpiaren apurketa naturalen bitartez akuiferora helduko litzateke. Isuriren bat gertatuz gero Zadorra ibaira iritsiko liratezke.**

4. Armentia-2 putzuko enpresa sustatzailea, SHESA, %100 publikoa da, Eusko Jaurlaritzakoa. Klima aldaketaren eta baliabide fosilen agortzearen gaur eguneko testuinguruan, gobernuen inbertsioak energia berriztagarrietan oinarritutako benetako trantsizio energetikora zuzenduta egon behar dira, erregai fosilak alde batera utzita. Ikerketa guztien arabera, gas erauzketek metano ihesak eragiten dituzte atmosferara., aldaketa klimatikoan CO2a baino 25 aldiz gehiago eraginda. Horrek esan nahi du **gasak ikatzak baino gehiago eragiten duela aldaketa klimatikoan..**

5. Armentia-2 putzua Gasteizko mendietan kokatua dago. Gasteizko Medien Eremuko Natur Baliabideen Antolamendurako Plana egiteko eta onartzeko prozedura Eusko Jaurlaritzako Ingurumen kontseilariak hasi zuen, 2010eko urtarrilaren 12ko aginduaren bitartez. **Ingurumen-balio handia duen eremu honi eman nahi zaion babesa kontuan hartuta, gas putzu baten eraikuntzarekin bateragarria ez dela ikusten da.**

Adierazitako guztia dela eta, honako hau **ESKATZEN DUGU:**

Agiri hau onartu eta aurkeztutzat jo ditzazula aurreko alegazioak. Era berean, behar diren tramiteak egin ondoren, **ez dezazula onartu proiektuaren ikerketa informatiboa, ez dezazula onartu interes orokorreko proiektutzat jo eta ingurumenaren gaineko eraginaren ezezko adierazpena egin dezazula.**